

Na osnovu člana 16. stav 2. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj: 7/10 i 3/23), a u vezi sa članom 37. stav (6) i članom 46. stav (1) Zakona o izvršavanju Budžeta Zeničko-dobojskog kantona za 2024. godinu ("Službene novine Zeničko-dobojskog kantona", broj: 21/23 i 4/24), Vlada Zeničko – dobojskog kantona na prijedlog Ministarstva za poljoprivredu, šumarstvo i vodoprivredu, na 26. sjednici, održanoj 10.05.2024. godine, d o n o s i

ODLUKU

o usvajanju Programa utroška budžetskih sredstava Ministarstva za poljoprivredu, šumarstvo i vodoprivredu za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona za 2024. godinu - Izvor 10

Član 1.

(Predmet)

Usvaja se Program utroška budžetskih sredstava Ministarstva za poljoprivredu, šumarstvo i vodoprivredu za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona za 2024. godinu za koji su u razdjelu 23, budžetska organizacija 01, potrošačka jedinica 0001 Budžeta Zeničko-dobojskog kantona za 2024. godinu ("Službene novine Zeničko-dobojskog kantona", broj: 21/23), ekonomski kod 615100 NAD 409 - Izvor 10, pozicija „Kapitalni transferi drugim nivoima vlasti“, planirana sredstva u ukupnom iznosu od 150.000,00 KM (slovima: stotinupedesthiljada konvertibilnih maraka), koji čini sastavni dio ove Odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade

Član 3.

(Realizacija Odluke)

Za realizaciju ove Odluke zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-9073/24

Datum, 10.05.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x "Službene novine Zeničko-dobojskog kantona",

1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA BUDŽETSKIH SREDSTAVA
MINISTARSTVA ZA POLJOPRIVREDU, ŠUMARSTVO I
VODOPRIVREDU
ZA REALIZACIJU KAPITALNIH PROJEKATA DRUGIM
NIVOIMA VLASTI
IZ OBLASTI KOMUNALNE INFRASTRUKTURE
ZENIČKO-DOBOJSKOG KANTONA
ZA 2024. GODINU – IZVOR 10**

ZENICA, april 2024. godine

I NAZIV:

Program utroška budžetskih sredstava Ministarstva za poljoprivredu, šumarstvo i vodoprivredu za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona za 2024. godinu, na razdjelu 23, budžetska organizacija 01, potrošačka jedinica 0001, ekonomski kod 615100, subanalitika NAD 409 – Izvor 10, pozicija "Kapitalna sredstva drugim nivoima vlasti".

II SVRHA:

Sredstva utvrđena u Budžetu Zeničko-dobojskog kantona („Službene novine Zeničko-dobojskog kantona“, broj: 21/23) utrošit će se za nerealizovane projekte koji su započeti sa izvođenjem radova u prethodnom periodu, ali općine nisu bile u mogućnosti da završe radove zbog nedostatka novčanih sredstava. Općine Tešanj i Doboj Jug obratile zahtjevima ovom Ministarstvu za dodjelu nedostajućih sredstava, kako bi se određeni projekti završili i stavili u funkciju.

III KRITERIJI ZA RASPODJELU SREDSTAVA:

Prema opredjeljenju Vlade Zeničko-dobojskog kantona, a u vezi sa Strategijom razvoja Zeničko-dobojskog kantona za period 2021. - 2027. godina, dati su kriteriji po kojima se mogu finansirati određeni projekti:

Veza sa strateškim ciljem:

3. Poboljšati trenutno stanje okoliša, povećati energijsku efikasnost i unaprijediti javnu infrastrukturu,

Prioritet:

3.4. Poticanje održivog i okolišno prihvatljivog prostornog planiranja, **Naziv mjere:**

3.4.2. Razvoj komunalne infrastrukture (vodovod, kanalizacija, toplifikacija, gasne instalacije, javna rasvjeta, primarni tretman i krajnje zbrinjavanje otpada (komunalni i specifični tokovi) i sl.),

Opis mjere sa okvirnim područjima djelovanja:

Poboljšanje komunalne infrastrukture kroz osiguranje dostupnosti usluga vodosnabdijevanja i sanitacije, toplifikaciju, uspostavu integralnog sistema upravljanja otpadom kroz razvoj cirkularne ekonomije,

Strateški projekti:

3.4.2.9. Podrška projektima izgradnje i unapređenja sistema za vodosnabdijevanje i tretman pitke vode.

IV IZVOR I VISINA SREDSTAVA:

U Budžetu Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), u razdjelu 23, budžetska organizacija 01, potrošačka jedinica 0001, ekonomski kod 615100 NAD 409 pozicija „Kapitalni transferi drugim nivoima vlasti“ planirana su sredstva u ukupnom iznosu od 150.000,00 KM (slovima: stotinupedesethiljada konvertibilnih maraka).

V KORISNICI SREDSTAVA:

R/br.	Općina	Projekat	Opis poslova	Planirana sredstva/KM
1.	Općina Tešanj	Vodosnabdijevanje naselja Mjesne zajednice „Putešić“ – Faza II	Izgradnja komunalne (vodovodne) infrastrukture	100.000,00
2.	Općina Doboj Jug	Izgradnja bunara B5 u vodozaštitnoj zoni „Havdine“	Izgradnja komunalne (vodovodne) infrastrukture	50.000,00

Nakon što Vlada Zeničko-dobojskog kantona usvoji „Program utroška budžetskih sredstava za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona“, Na prijedlog Ministarstva za poljoprivredu, šumarstvo i vodoprivredu, donijet će sa odluka o odobravanju sredstava za projekte iz oblasti komunalne infrastrukture Zeničko-dobojskog kantona.

**VI NAČIN I ROKOVI
IZVJEŠTAVANJA:**

Općine kao korisnici doznačenih sredstava dužne su dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava do 31.12.2024. godine. U slučaju da korisnici sredstava ne dostave izvještaj o namjenskom utrošku doznačenih sredstava do ostavljenog roka neće imati pravo aplicirati za dodjelu sredstava u narednoj fiskalnoj godini.

Broj: 02-11-9073/24
Datum, 10.05.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.